

AKOWAKOWENTZIRI ANTAWOETAKOWENTANTYAAWORI REGIÓN UCAYALI 2023-2033

AMINAKOWENTZIRI AAKAPERO
**¡IROÑAAKA EEJATZI
PAATA 2033!**





OKANTA KAMANTANTSÍ

Irika jankinarentsi owetsikanaka kametha iwaero PLAN DE DESARROLLO CONCERTADO (PDRC), irika ikenkishirianakeri cha akanteri akamethatantyaari aipatsite irika mitigación ashi cambio climático ashi mawoeni aipatsite; tema ari iwetsikanakeri kametha eejatzi aipatsite kantetziri economía, opoñantari antawoetanaki kametha mawoeni antawaerentzi kantetziri proyecto mawoeni akowanakeri akapaeni okimita atzineya ajekantyaari kametha.

Rori artículo 6º rashi ley Organica de gobiernos Regionales ikantzi roka desarrollo regional comprende la aplicación coherente eejatzi ashi políticas okimita instrumento ashi awametantantyaari rori rantawaerentzi ashi aerekite okimityaari ashi mawoeni jekatzí aipatsite ashi akateini eejatzi opoñantari iwetsikanaka planes, programas, eejatzi proyectos aminakotzirori airekite okimichari okantawoeta nampitsipaeni sociodemográfica y ambiental apatzíyanakeri shirampari eejatzi tsinane omonkatantyaari kametha.

Iroka jankinarentsi tzimanaka proceso de formulación del Plan de Desarrollo Regional Concertado 2023-2033 ashi aipatsite Ucayali akanakeri ikowakotziri omonkatantyaari Regional opoña akanakeri kametha rakanakeri akateini


jekakotziri apatorentsiki okimita ewatanakeri kametha pinkatharipaeni ewatakantakeri aipatsite. Okatzi mawoeni ojankinatanakeri irika jankinarentsi apakeri kowantzi eejatzi kenkishiriantzi ashi mawoeini apatojetanaki kenkishiriantsi pero apanipaeni kamethari ashi mawoeini nampitsi okimichari Distrito (17) jeekatsiri aipatsite Ucayali, kitejiriki añakeri pandemia COVID-19, okantawoetanaki antawoerentsi rookantencha tzinanaka kamethari antawoerentsi iñaaperotanaki kametha kenkishiriantsi ipakae irika cooperación técnica internacional eejatzi apatojeitatsiri nacional ashi Plan de Desarrollo Regional Concertado akantakariri jankinarentsi iwaero Resolucion Presidencia de Consejo Directivo N°028-2021/CEPLAN/PCD.

Okantantyaari kametha erika jankinarentsi tema irotanaki ikenkishiriari mawoeni jewaripaeni ikantanakia itzinanchari kametha aipatsite okimita apatojetatsiriri aipatsitepaeni eejatzi mawoeni atziripaeni okenkishiriari kametha ishintsiperotanaki akakeri okantantyaari kametha aka aipatsite antyaari ashi Amazónico.

MANUEL GAMBINI RUPAY
Pinkathari jewawentziri aipatzite Ucayali

Aminakowentziri Perú paata 2050

Okanta aminakotanaki aipatsite Peru rantawoeroki oweyanaki, ojarentsi 2050, Tema okenkikishiriaperotanaki okatsi ijekaki mawoeni. Apatojeitanti: Foro del Acuerdo Nacional eejatzi okanta Plan Estrategico de Desarrollo Nacional Oweyanaka 2050, irika aminakotzirori rootaki okatzi ikowakotziri ashi mawoeni atziri jekatzini aipatsite omonkatantyaari 2050 ojarentsi.



Roo opoñantanake itzinanaka aipatsite de Ucayali ikamantanake mawoeni jekatsiri aipatsiteki tema ari aminakotanakeri ojarentsi 2023-2033, okanta owetzikanakeri awotzipaeni ikinantari kamethari yotantsi. Okimita apani aipatsite irooperori okoñantari mawoeni.

OKANAKIRI OÑAMPOYETANTYARI OKANTARI ATZINEYA KAMETHA MAWOENI JEKAKOTZIRORI AIPATZITE UCAYALI

Apatowoetaka añatzi

- OER 1** | Okamethatanchari okatzi añaatzi aipatziteki.
- OER 2** | Okamethatanchari mawoeni awintantzipoeni.
- OER 3** | Okamethatanchari mawoeni yometantzipaeni.
- OER 4** | Okamethaperotee rori ajekawita ashi mawoeni.



Inchatoshikipaeni

- OER 5** | Oñaganchariri mawoeni aminatziri antamishiki.



Aerekitepaeni

- OER 6** | Rantawoetanaki mawoeni ikowakotziri aye kireki kamethari.



6

OKATZI ANTAYETZIRI
ROOPERORI OKANTYARI
OTZINKAMI



Owetzikakoteri okatzi jekatzi

OER 7 | Okamethaperotani okatsi ñamentotzikipaeni mawoeni anampitziteki.



Ajewawentziri

OER 8 | Okamethatanchari mawoeni aririka ajewawentziri.



Aminakotziriri awijakotziri aipatziteki

OER 9 | Amakowentanakeri okatzi awijakotsiri aipatziteki.

Irika antawaerentziki opoñaka aminakotanakeri okatzi ikowakotziri jekatzi anampiki roo opoñantari akeri irika antawaerentziki owetzikapakeri kametha; aminaperotziri ewakotziri okanta ikowakotziri ari ikamantanakemi pashinikipaeni jankinapana.



Aminakotziri aipatziteki



OER 1: Okamethaperoteri okanta año mawoeni akateini.

- Oshekitanaki exclusión social ashi akateini aipatziteki kantetziri Ucayali.
- Te okantaperotzi akanakeri kametha akowakotziri ashi aka.
- Apatziyawakaya kametha mawoeni kowakotziro amitakotantzi
- Irijaniki, tsinane ejatsi shirampari tekatzitanaki iwaperite.
- Te okantaperotzi rakanakeri kowakotziri ashi akateini kantetziri atziri okantashiretanaki.
- Opeyanakeri mawoeni cha akantanakiari asheninka omityari aka ari okantaka ewankaripaeni.
- Okanta te añeri kametha añoakeri ejatzi akithatanakeri aithare ashi añoakeri pashiwentantzi mawoeni ewankaripaeni.
- Osheki añeri koshitakotsiripaeni akateini te okamethaperote.
- Te okantaperotzi iyotziro anteri karipero okimita opimantapintziri aipatzite.
- Apipintanakeri akotziri ojankinari ashi aipatzite tzimatziro ojankinari.
- Otzinaperotanake okatzi antanakeri tzinane okimita iniro ejatzi rori oemi.
- Osheki ishinkitawoetzi asheninkapaeni.
- Osheki akiro kireki karipero
- Ewankaripaeni antakeri kari pero.

OER 2: Okamethaperoti okantawoeta awintantatziri ashi mawoeni.

- Te okoakitzi abintantzipankoki intenani opomentzini aretanakia.
- Te añeri osheki awintawontzi awintapitari.
- Te añeri osheki awintantzi okatzi ikowanakeri anampikipaeni.
- Te okenkishiriaperotziri awintapintanchari aeto okimita akenkishiriari.
- Osheki añeri mantziarentzi: okimita kamantzi, shiwoerontzi kantetsiri mantziarentzi.

OER 3: Okantaperotziri mawoeni yotantzipankopaeni ashi aka.


- Te añeri okanta iyoperotziri ojankinate ejatsi oñanatanake kametha mawoeni jananeke tsinane ejatsi jananeke shirampari.
- Te oshintziperoteri okantanchari kametha asheninka añoakeri yometantzi wirakocha.
- Añoeri mawoeni akateini te othonkanake okie yotantzipankoki
- Te ikowiri iyoperoteri ewankari tzinane.

OER 4: Okamethatakotziro okantyari akapaeni.

- Te okantaperotzi iwetzikeri owankoki kamethari.
- Te añeri otsiwakitziro kametha mawoeni pankotzipaeni anampiki.
- Te añeri kametha iña ejatzi te añeri okamethate aminakanteri aipatzite.



Aminironi inchashipaeni



OER 5: Aminaperotziri inchatoshipaeni kametha

- Te okantapero antamishikipaeni.
- Te owametaperoteri mawoeni kagashipaeni okimita ichamoshiki ejatzi iña.
- Te apatsiyaperoteri cambio climático.
- Añakeri oshekitanaki karipero okantakotanakeri apankiropaeni ejatzi okatzi atzimanake aka.
- Apeyakotanakeri apanipaeni okimita añaatzi.
- Añakeri osheki itowokotziri inchatoki rootentzi ithonkanakeri inchashipaeni.



Aminironi kireki



OER 6: Akamethatantyariri okatzi okantawoeta aerekite kametha.


- Te okantaperotzi mawoeini atzimanakeri awaneki ejatzi mawoeni apankitanakeri okimitani ejatzi inchatoki.
- Te okantaperotzi añeri iwetzike aretanyariri kantetziri turista, okamethaperotakae mawoeni añee ajekanchari rooperori antyari kireki ajekaperotanchari.
- Te okantaperotzi amineroni wetzikantzi ejatzi ashi iña.
- Te añeri okamethaperote antawoetantari opinate kametha okanta añantyariri.
- Te añeri okanta osheki antawoerentzi aipatziteki UCAYALI omanta añeri antawoerentzi karipero.

OER 6:
Akamethatantyarí
okatzí
okantawoeta
aerekite kametha.


- Echonkini okanta apatowetanaki okanta aminakotzirori okantyarí kametha mawoeni antayetzirí antyarí kametha aerekite, kowakotsirí ashi antawoerentziki ashi aipatzite.
- Antawaerentzipaeni kari tzimatzirí ijankinari jekatzirí frontera.
- Te añerí okantaperotzi otzineya mawoeni tzimatzirí ñamentotzi.
- Añerí echonkini aminakotzirí kametha ashi antawoerentzi okimita shimatantzi.
- Añerí te okantaperoterí kametha akoterí antawaerentzi pashiniki nampitziki.
- Te añerí okantaperotzi opimantanakerí pashini nampitzi atzimayetatzirí aipatzite UCAYALI.
- Te oshintzite antawaerentzi ejatsi amitakotantzi okimita antapintari antawaerentzi kari aminerí inchatokipaeni.



Amenamentotzi: Ashi Andina



Aminakotzirí wetzikantakotziro **ejatzí pashinipaeni jekatzirí**



OER 7:
Okamethaperotzirí
ñanamentotzipero
ashi aipatzite

- Te okantaperotzi okimita awotzi owetzikakotziro kametha ikantanchari asfaltado akinanchari pashini nampitzipaeni.
- Te okantaperotzi mawoeni ñanamentotzipaeni añakerí jaka ejatzí jekatzirí pashini nampitzi okimitari ashi otzinkami.



Aminironi okanta awetzika ajekanaki



OER 8: Okamethateri okanta apatotantzipoeni

- Osheki kariperori antanakeri jewatatziri aipatzite.
- Te okantaperotzi ijewawentziri jewatatziri.
- Te oshintziperotziri amineroni inchatopaeni ejatzi kipatzi jewatatziri.
- Te aminaperotziri kametha aakantyarari aminarentzi ashi akapaeni.



Amenakotzirori mawoeni awijakotziri aipatzite



OER 9: Amakowentyari kariperori awijakotziri aipatziteki.

- Te okantaperoti amineroni abijakotziri kipatziki.
- Oshekiperotanaki te aminaperoteri asheninka ejatzi wetzikantzi aririka kiabontzitanki.
- Mawoeni wetzikakotziri te aminaperoteri aririka añakeri kiawontzi ejatzi tampiashipero.
- Osheki apeyakotanakeri asheninka tema ikantakotanakeri cambio climático.
- Te iyoperotanakeri cha okantawoetanaki mawoeini Awijakotziri añapintziri aipatziteki.



OWAKIRARI AKOWAKOTZIRI ANTAWETANTYARI KAMETHA. AIPATZITE UCAYALI IKAMETHATANCHARI.

Aminaperotantari okatzi okowakotziri mawoeni opoña akantantaryari kametha otzimache amineri apanipaeni owetzikia kenkishiriantzi ashi mawoeni amonkatanchari. Roo opoñantari aminakotakeri mawoeni akowakotziri antawoetantaryari kametha okimita akenshiriakiri.

Okantantaryari kametha. Opoña akotanakeri apanipaeni kenkishiriantzi awetzikanchari antawaerentz kametha ashi ojarentzi 2023,2026 ejatzi 2033 ari okatzi amonkatanakeri añakeri okamethatanaki mawoeni kowakotziri.

OER 1: IKANTAPEROTZI AÑANTYARI MAWOENI

Antapinteri okamethatantyari aipatzite

Aminaperoteri okantawoetanaki kamethari akaa.


Aminaperoteri Akantapintari mawoeni asheninka ejatzi pashinipaeni.

Aminaperoteri ikanchari kametha mawoeni atziri kari jekaperotatzini.

Ipake yotantzi kamethari mawoeni atziri jekatziz otzinkami nampitzi.



Ashekitanakeri okatzi mawoeini akantapero akaa kametha.



¿Cha okanta añaje ojarentzi 2033?

Aririka aretanaki ojarentzi 2033, tema omatakia antawoetanaki mawoeni kowakotziri anteri akamethatantyari akoteri ñañamentotziki, ari aminakoteri awijakotziri ashi mawoeni aka ero omatantari osheki antantzi aweyakotanakeri **35.09%** pashinipaeni asheninka, ashitakotanakeri tema antakeri kariperori aweyakotanakeri **7.69%**. Tema aminaperotanakeri rori. Otsinkami iwaero Estado Antakotanakeri antawaerentzi amitakotake okimita amenamentotziki ashi aminanchari ejatzi arakomentoziri iriane ejatzi shiyakomentotziki ejatzi ipakae yotantzi ashi aminakotzirori anampiki ejatzi aipatzite. Ekiro imatanaki ipakotanaki kenkishiriantzi rooperori ashi mawoeini jekatziri otzinkami aipatzite ero ishekitantari mantziyari tema imonkantanaki **98.0%** tzimakotziri awintantatzi.

OER 2: OKAMETHAPEROTE OKANTYA AWINTANTZI

Antapinteri okamethatantyari aipatzite

Akoteri rooperori kantantzi amawentantyari mantziyari.

Ero ishekitantyari kamaentzini okimita tzinane motzinto.

Okantaperotee ishikiee kametha irianipaeni.

Amakowentero ewankari ero imotzitanchari entzipaeti.


Okamethaperotanaki okenkishiriari mawoeni atziri.

Eiro eshekitantari mantziarentzi kantetziri prevalente.

Eiro ishekitantari mantziyari kantetziri no transmisibles.



Okantya mawoeni atziri ojankinatanaki apanipaeni awintantatzi.



¿Cha okanta añee ojarentziki 2033?

Aririka aretanaki ojarentzi 2033, tema okantanaki kamethapero ejatzi ero ojamanitaki awintapinta akapaeni ejatsi añakeri ari otzimanaki apani Jan kinayetachari aipatzite, irotaki aminakotzirori otzinkami nacional ejatzi internacional tema okamethaperotanaki awintee okimita tziatsi kowakotziri ashi awintakae owetzikakeri okimita telesalud ero apiyotanakee pata osheki akantanchari kametha. Ari añantanakari okantapero añee irijanipaeni tema aminaperotanaki ikowakotziri antawoetanaki instituciones roperori jekatziz aipatzite. Apatziperotanaki mawoeni otzinanchari políticas públicas kamethari aminaperoteri mawoeini awintantzipankoki ipakeri awintawontsi ejatsi yotzirori awinte tzimakotanaki mawoeni jekatziri anampitzi ero añantari anemia. Ashi irianipaeni ejatzi jananeke akatzika ojarentzite 5 (**10%**) ejatzi ashi enche rikipaeni oweyanaki ikitejirite 35 (**35.0%**) ari akotanakeri mawoeini yotantzi ero amantziyatanchari paata akateine.

OER 3: OKAMETHAPEROTE YOTANTZI

Antapinteri okamethatantyaripatzite

Okamethaperoteri yotantzi.

Okamethaperoteri gestión pedagógica.

Okamethaperotanakeri yotantzi ashi aka opoña ejatzi pashinipaeni apatzianakeri kametha.


Aminakoteri ero opeyakotziri jananeke ikie yotantzipankoki.

Añaiteri osheki ewankari ikianaki yotantzipankoki superior.


Aminaperoteri opoña akoteri kenkishiriantzi ashi mawoeini ikantanchari kametha yotantzi ashi yometantatzi kantetzi gestión educativa.



Ari itzimanaki jananekepaeni weyatzini 4º iyotziro iñanateri ejatzi ari akanaki kametha jampitantzipaeni.



Ari itzimanaki jananekepaeni weyatyani 4º iyoperotanakeri kametha razonamiento matemático.



¿Cha okanta añee ojarentziki 2033?

Aririka aretanaki ojarentzi 2033, ari ikamethatanake mawoeini yometantzipaeni tema ari imatanakeri ipakeri mawoeni ikatzi tecnología ero pata ipeyakotanaki ewankaripaeni ikiantyari yotantzipankoi secundaria otzimi aretanaje **2.30%** opoña owametanakeri yotantzipanko kamethari okanta aweyakeri **62.20%** ekiro aminakoteri mawoeni tekatzitanaki kari yotziro i jankinate ejatzi iñanate kantetzi analfabetismo okiwi areteri **1.0%** ikenkishirianaka okamethatantyaripatzite otzimache ipakae monitoreo ejatzi supervisión antanakeri yotzinkari kantetzi especialista okanta owameteri mawoeini kari yotatzini opoña ejatzi ipakae especialista okimita apanipaeni ñanatsiri apanteki ashi kantetzi Bilingüe aminakeri kametha okatzi iñawoetanaki iñawetantyaripatzite kametha aririka ipakae kamantantzi atzinanchari yotantzi.

OER 4: OKAMETHAPEROTANAKERI ONAMPITA ASHI ATZIRI

Antapinteri okamethatantyaripatzite

Akamethatanakeri iña ashi mawoeni.


Ashekiteri alcantarillado ashi mawoeni.

Apakaeri mawoeni onthotya kametha.

Apakaeri mawoeni i jekanchari ibankoki.



Ari oshekitanaki onampiri otzimanaki ikowakotziri iñantyaripatzite kametha.



¿Cha akantanake añee ojarentziki 2033?

Aririka aretanaki ojarentzi 2033, rori ari inampitanaki ashi akateini ari okamethatanaki tema akotanakeri saneamiento kamethari aminaperotanakeri okantatyari kowakotziri ashi aipatzite regional imatantyaripatzite acceso ashi servicio aweyakotanakeri **82.10%** ashi iña ashi mawoeini ejatzi amakowentanakeri mawoeni antawaerentzi okamethaperote okantya **96%** ashi atziri imiritanake iña rooperori ashi mawoeni okimita **92%** jekatziri pankotzi opoña ithonkanakeri mawoeni ikamethaperotanake.

OER 5: AMINAPEROTERI OKANTAWOETA AIPATZITE EJATZI INCHATOSHIKIPAENI

Ikowakitziri kantantziri ashi Aipatzite

Okanta owametanakeri
kagashi rooperori ejatzi
pashinipaeni.

Okamethatakeri awintanakeri
iña jekatziri residuales.

Amakowentanakeri aminero
inchatomashiki kametha.

Amakobentero ero itoyeri
osheki inchatomashi

Apipitanakeri ipankiteri irira
towakotziri inchatomashiki.


Ikamantakaki itarikia
amakowentero inchatomashiki.

Iyotakoteri okantayari kametha
mawoeni ikowakotziri
ecosistemicos.

Aminaperoteri kamethari
akantayari tema opomentzini ro
kantencha ekiro aate aminee
rooperori okantayari cambio
climático.



Atzinanchari kametha okantya osheki
aminakowentero inchatoshikipaeni.



¿Cha akante añee ojarentziki 2033?

Aririka aretanakeri ojarentzi 2033, ari imatanaka iwetzikanakeri kametha mawoeni kantetziri antawaerentzi rooperori, tema ari okantanaki rori itzinanchari aerekite iritanake amakowentanaki kametha aipatzite ijekaki inchatoshikipaeni itzinanake okatzi **27.50%** okantawoetanaki iña kipatzitatzini ari ikantawoetanaki okatzi **85%** kamethari ashi iña ejatzi ari okantaka itzinanaki okantawoeta inchatoshiki. Otzinanakeri okatzi **2.85%** owetzikanake kametha inchatoshikipaeni

OER 6: ANTANAKERI ANTAWOERENTZI ASHI OKANTAPEROTE AEREKITE

Okantapintari kametha ashi aipatzite

Ekiro aminaperotanakeri
okatzi awetzike kametha
mawoeni owitanakeri okimita
ipankiwero.

Ipinkathatanakeri okatzi
ipankiwero tema iritanaki
añanake kametha.

Atzinanakeri kametha
okimita antyari kireki opoña
awankiwero.

Ishintzitanaki okatzi akantya
okimita aretapintziri kantetziri
turismo.


Kowakotziri añeri apimanteri
pashini nampitziki.

Atzineri aipatzite UCAYALI
apimantapinteri itzinkami
ejatzi internacional.

Itzinanakeri okimita iyotziri
cha okantawoeta antyari
kireki okimita apimantankeri
awankiwero.



Ari ashekitanakeri okantayari kametha aerekite
tema akotanakeri kametha kowakotziri
okimita antawoero aipatzite.



¿Cha okanta añaje ojarentziki 2033?

Aririka aretanaki ojarentzi 2033, ari añakeri te okantaperotzi mawoeni karipero okimita antakeri ashi inchatopaeni eejatzi okantawoeta kantantziri ashi airekite okantapinta aipatzite Ucayali tema ari okamethataki ojekantakari antawoerentzipaeni ayowetanaki kantetziri pankirentzi ereki, opoña ari imatanaki ashi aka koakenitzi aminaperoteri okatzi anteri rooperori antawoerentzi okantayari aminaperotziri yotakotzirori kametha opimantanchari tzimayetatzini ejatzi iwetzikawakeri kametharipaeni cha ajekanaki akochate akapaeni ajekantariri ejatzi yotzirori ashi anchari aerekite apakeri akowakotziri aipatziteki ajekanchari kametha **126.4** FOB (shekitatzini irekite kantetziri dólares).

OER 7: OKAMETHAPEROTANAKI ÑANARENTSIKIPAENI AIPATZITE

Antapinteri okamethatanyari aipatzite

Okamethatanaki awotzite shiyakomentotsipaeni.

Oshekitanakeri aminakeri ñanamentotzikipaeni okantawoetanki.

Okamethaperotanakeri rori conectividad ejatzi ayitanyari arakomenotzi ejatzi iña ikinapintziri pitotzipaeni jekatziri aipatziteki.



Ari ikamethatanakeri roori okantari owetzikakotzirori jekatziri aipatzite.



¿Cha akantanakia ojarentzi 2033?

Ojarentzi 2033, ari okamethaperotanaki awotzi kinapintziri shiyakomentotzi tema owetzikanaka rantawoero ashi aepatzite itzinanchari kametha tema akotanakeri, okamethantanyari okanta owetzikee okimita kantetziri encauzamiento jekatziri nampitzi okantari kariperori apeyakotanakeri mawoeni oshiyakantankeri shiyakomentotzi wetzikanaka kametha weyakotanaka **15%**. Omanta rori ñanamentotziki, opoñantari mantziarentzi COVID 19 okantaperotanaka añanatanyari akateini jekatziri intena kantetziri (conectividad virtual), añapakeri ikowakotziri osheki internet oweyanaka **73.8%** roo ikowakotantari kowakotziri opoñantari owakiro ñanamentotzipaeni ejatzi ikantaperotanakeri kametha kowakotziripaeni ñanamentotzi.

OER 8: OKAMETHAPEROTANAKI AJEBAWENTERI AIPATZITE

Antapinteri okamethatanyari aipatzite

Okanta iwetzikaperoteri ejatzi owametaperoteri aipatzite.

Ishintziperoteri ajewabentanakeri kametha aipatzite okantanyari kamethapero.

Apatziyawakaya kametha okantanyari ajewawenter i aipatzite.



Okantari osheki atziri iñanatanaki okimita okamethatanaki ipankoki.



¿Cha akantanake aña aririka aretanaki ojarentzi 2033?

Okimita añakeri osheki antakeri kariperori jaka anampitzi, opoña owametanageri irootake antanageri kamantantzi rooperori ajewawenter kametha aipatzite okantanyari kamethari ajewawenter opoña owetzikanakeri kamantantzi cha okantaweta rantawoero ashi jewari ari añakeri jaga ñanamentotziki, aminamentotziki ejatzi pashinipaeni kamantantziki okantawoetaki opinawetantari mawoeni irotake ishitzitanakeri okamethatanyari ijewakotziri okimitanaki transparencia oweyanaka **91.21%** iñakotanakeri aminirini okatzi antapakiri antawero ejatzi okatzi pinatapintziri.

OER 9: APEYAKOWENTERI KARIPERO AWIJATZINI AIPATZITE

Antapinteri okamethatanyari aipatzite

Amakowentanakeri okatzi anteri aririka añakeri awigentzini aipatzite.

Akapethaperotanakeri ikowakotziri atziripaeni.

Okantaperotanakeri owetzikakotziro Kametha okantaryari aminakantziri wetzikantzi.


Apatziyawakiro kametha aririka oetarika awijatzini.

Athonkakoteri okatzi akotziri karipero ashi aipatzite.

Akenshiriakowenter kametha ashi aipatzite okiro karipero kenkishiriantzi.



Ero imataperotanaki awijakotziri aririka itzimi emergencias.



¿Cha akantanake año oarentziki 2033?

Aririka aretanaki ajarentzi 2033, mawoeni awijakotziri karipero ashi aipatzite ero añeri osheki atziri ejatzi wirakocha ikiashitakeri aipatzite tema antanakeri antawaerentzi ijekantaryari irirori ipatzitepero, ero añakeri ithawakanakeri iña rooperori, iña karipero ejatzi onthotatziri ijekantakari jekatziri kipatzi kariperori, roo opoñantari ibetzikake rantawoero kantetziri: Antaworontzi amineroni okantaryari kametha aipatzite akotziri yotantzi kamethari iwetzikantaryari okatzi awijatz, te okantaryari osheki oweyanaki **23.01%** tzimatzi pankotzipaeni jekatatsini onkatzi iña opoña rootaki te okantaperotzi ajekakotzi aipatzite aretantariri **76%** opoña rori Municipalidad antanakeri kamantantzi cha akanteri amakowenter aririka añeri oninka ejatzi amañi okimita onkanaki iña.



Amenamentotzi: Ashi mongabay.



GOBIERNO REGIONAL DE
UCAYALI

www.gob.pe/regionucayali

**Paisajes
productivos
sostenibles**
en la Amazonía peruana



PERÚ Ministerio
del Ambiente



Amitakotanake:



AMABIGP
Asociación de Maestros
Ashéninkas Bilingües del
Gran Pajonal